

Na osnovu člana 12. Zakona o javnim preduzećima (" Službene novine Federacije BiH ", br. 8/05, 81/08, 22/09 i 109/12), člana 8. Zakona o ministarskim, vladinim i drugim imenovanjima F BiH (" Službene novine Federacije BiH ", br. 12/03, 34/03, i 65/13), člana 263. tačka 3. Zakona o privrednim društvima ("Službene novine Federacije BiH", br. 81/15 i 75/21), a u skladu sa članom 13. Statuta preduzeća i Odlukom Nadzornog odbora JP „Vilenica-Vodovod“ d.o.o. Novi Travnik br. 03 – 87 /26 od 13.01.2026. godine, Nadzorni odbor preduzeća ponovo raspisuje:

K O N K U R S

za izbor i imenovanje direktora kao Uprave Javnog preduzeća „Vilenica-Vodovod“ d.o.o. Novi Travnik

I. Opis pozicije direktora:

1. vodi poslovanje i zastupa preduzeće u okvirima upisanih djelatnosti,
2. organizuje i rukovodi radom preduzeća,
3. izvještava Skupštinu i Nadzorni odbor o aktivnostima preduzeća,
4. nadležan je za dosljednu provedbu Etičkog kodeksa u preduzeću, i osigurava da sva lica u preduzeću postupaju u skladu sa Etičkim kodeksom,
5. izrađuje i realizira planove poslovanja,
6. izrađuje provedbene propise za postupak nabavki u skladu sa Zakonom o javnim nabavkama,
7. priprema prijedlog o raspodjeli dobiti,
8. zapošljava i otpušta zaposlenike u skladu sa postupcima utvrđenim Pravilnicima preduzeća i pozitivnim zakonskim propisima te odlučuje i o drugim pravima i obavezama zaposlenika iz radnog odnosa,
9. odgovoran je za primjenu preporuka Odbora za reviziju,
10. obavlja i druge poslove utvrđene Zakonom o privrednim društvima, Zakonom o javnim preduzećima, Statutom preduzeća kao i drugim zakonskim i podzakonskim propisima koji regulišu ovu oblast.

II. Opći uvjeti:

1. da je državljanin Bosne i Hercegovine,
2. da nije stariji od 65 godina,
3. da ima opću zdravstvenu sposobnost
4. Izjava da nije otpušten iz državne službe kao rezultat disciplinske mjere na bilo kojoj razini u BiH u razdoblju od tri godine prije dana objavljivanja konkursa,
5. Izjava da ne vrši funkciju u političkoj stranci u smislu člana 5. Zakona o ministarskim, vladinim i drugim imenovanjima F BiH,
6. Izjava da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
7. Izjava da nije član organa zakonodavne, izvršne vlasti ili savjetnik u smislu Zakona o sukobu interesa u institucijama vlasti BiH („Službeni glasnik BiH“ br. 13/02, 18/02, 14/03, 12/04 i 63/08) i Zakona o sukobu interesa u organima vlasti u F BiH ("Sl. novine Federacije BiH“, br. 70/08),
8. Izjava da nije u sukobu interesa u ličnom ili profesionalnom odnosu sa društvom u kojem aplicira na upražnjenu poziciju,
9. Izjava da ne vrši funkciju predsjednika ili člana Nadzornog odbora ili Uprave drugog društva ili Institucije,
10. Izjava da nije osuđivan za krivično djelo i privredni prestup nespojiv sa dužnostim za koju se kandiduje, pet godina od dana pravosnažnosti presude, isključujući vrijeme zatvorske kazne,
11. Izjava da ne postoje druge zakonske smetnje za obavljanje poslova iz nadležnosti direktora.
12. da nije osuđivan za krivično djelo i za prekršaj nespojiv sa dužnošću Uprave – direktora, 5 (pet) godina od dana pravosnažnosti presude, isključujući vrijeme zatvorske kazne.
13. da nije lice kojem je pravosnažnom presudom suda zabranjeno obavljanje aktivnosti direktora u javnim preduzećima u F BiH.

III. Posebni uvjeti:

1. da posjeduje visoku stručnu spremu VII stepen – VSS društvenog, pravnog, ekonomskog ili tehničkog smjera, ili završen prvi ciklus studija po Bolonjskom procesu sa ostvarenih 240 ECTS bodova i 5 (pet) godina radnog iskustva u struci od čega najmanje 3 (tri) godine na rukovodećim poslovima,
2. da nema smetnji za imenovanje utvrđenih Zakonom,
3. da ponudi plan i program razvoja preduzeće za mandatni period od 4 (četiri) godine.
4. Certifikat o završenom usavršavanju izdat od strane nadležnog organa, u skladu sa odredbama Uredbe o usavršavanju predsjednika i članova Nadzornog odbora i uprava privrednih društava sa učešćem državnog kapitala („Službene novine F BiH“ broj: 71/06, 33/10, 23/11, 83/11, 2/13, 80/13, 85/15, 60/16, 88/17 i 19/22).

U koliko kandidat ne posjeduje certifikat, dužan je dostaviti izjavu ovjerenu od strane nadležnog organa kojom se obavezuje da će u roku od jednu (1) godinu, od dana imenovanja proći stručno usavršavanje i steći certifikat o završenom usavršavanju, odnosno važeće uvjerenje o svom statusu kao kandidatu u postupku usavršavanja, a u skladu sa važećom Uredbom.

IV. Potrebna dokumentacija:

Potpisana prijava kandidata treba da sadrži kraću biografiju, adresu i kontakt telefon.

Uz potpisanu prijavu treba dostaviti sljedeću dokumentaciju (original ili ovjerenu kopiju)

1. Diploma o završenoj visokoj školskoj spremi VII stepen – VSS društvenog, pravnog, ekonomskog ili tehničkog smjera, ili završen prvi ciklus studija po Bolonjskom procesu sa ostvarenih 240 ECTS bodova,
2. Uvjerenje o državljanstvu ne starije od 6 mjeseci,
3. Dokaz o traženom radnom iskustvu,
4. Program razvoja preduzeća za mandatni period,
5. Izjave o činjenicama nabrojanim u tačkama od 4. do 11. općih uslova iz Konkursa.
6. Eventualno druge dokaze o ispunjavanju općih i posebnih uslova
7. Certifikat o završenom usavršavanju izdat od strane nadležnog organa, u skladu sa odredbama Uredbe o usavršavanju predsjednika i članova Nadzornog odbora i uprava privrednih društava sa učešćem državnog kapitala („Službene novine F BiH“ broj: 71/06, 33/10, 23/11, 83/11, 2/13, 80/13, 85/15, 60/16, 88/17 i 19/22).

U koliko kandidat ne posjeduje certifikat, dužan je dostaviti izjavu ovjerenu od strane nadležnog organa kojom se obavezuje da će u roku od jednu (1) godinu, od dana imenovanja proći stručno usavršavanje i steći certifikat o završenom usavršavanju, odnosno važeće uvjerenje o svom statusu kao kandidatu u postupku usavršavanja, a u skladu sa važećom Uredbom. (Izjava ne smije biti starija od dana objavljivanja Konkursa).

Pored naprijed navedene dokumentacije, kandidat koji bude izabran na poziciju direktora, prije preuzimanja dužnosti, dužan je dostaviti i sljedeću dokumentaciju:

1. Uvjerenje/potvrdu da nije osuđivan za krivično djelo i za prekršaj nespojiv sa dužnošću Uprave – direktora, 5 (pet) godina od dana pravosnažnosti presude, isključujući vrijeme zatvorske kazne (ne starije od 3 mjeseca).
2. Uvjerenje/potvrdu da nije lice kojem je pravosnažnom presudom suda zabranjeno obavljanje aktivnosti direktora izdato od strane nadležnog Općinskog suda prema mjestu prebivališta kandidata (ne starije od 3 mjeseca).
3. Ljekarsko uvjerenje o zdravstvenoj sposobnosti za obavljanje poslova pozicije za koju se kandiduje.

V. Kandidati koji ispunjavaju opće i posebne uvjete bit će pozvani na intervju.

Nepotpune i neblagovremene prijave neće se razmatrati.

Preduzeće nije obavezno vraćati dokumentaciju dostavljenu uz prijavu.

VI. Podnošenje prijava

Konkurs se objavljuje u „Službenim novinama Federacije BiH“, dnevnom listu „Oslobođenje“, i web stranici preduzeća.

Konkurs ostaje otvoren 15 (petnaest) dana od dana objave Konkursa u glasilu koje posljednje objavi Konkurs.

Prijave sa traženom dokumentacijom potrebno je dostaviti lično ili preporučenom poštom na adresu:

**Javno preduzeće „Vilenica-Vodovod“ d.o.o. Novi Travnik,
Nadzornom odboru JP „Vilenica-Vodovod“ d.o.o. Novi Travnik ulica Kalinska 55
72290 Novi Travnik**

**sa naznakom „Prijava na konkurs za izbor i imenovanje direktora kao uprave
JP „Vilenica-Vodovod“ d.o.o. Novi Travnik „NE OTVARATI“**



Predsjednica Nadzornoga odbora

Marijana Šafradin
Marijana Šafradin dipl. informatičar